

F 642

Handwritten signature
საქართველოს
საბჭოთაო მხარე

მეფე ნაბე ნიაბე რეაბე



აკრილი
19 19



თილობენ ლალის პეშეებით.
მზის ტევრების ნელი კალმასი.
ში ილეწება თეთრი ალმასი.
ალეებს სვამენ აზარფეშებით.

ლოთენთილი მძიმედ ვა

კ რ ი ა ლ ო ს ა ნ ი

გრიგოლ რობაქიძე
პაოლო იაშვილი
ტიციან ტაბიძე
გ რ . ჯ ა ფ ა რ ი
ლელი ჯაფარიძე
კოლაუ ნადირაძე
ვ. გაფრინდაშვილი
ი ვ . ყ ი ფ ი ა ნ ი
შალვა აფხაიძე
რაჟდენ გვეტაძე
შალვა კარმელი
ინ—რე—უან
ნიკოლოზ მიწიშვილი
ნ. ლ.
სერგო კლდიაშვილი
ვ. გაფრინდაშვილი
ლადო გუდიაშვილი

დიდი შოღღუ.
ავღთპოტრფი.
2 აპტილი.
თუთი კატავი.
მაცატრულიდან.
მალღასინი.
დაისი მესამე.
ათიქტაქემა.
თუთი სელამო.
ტუჯმაჟ.
მელისქალნი ცტაჟტრში.
ნიამთრუმი.
წმინდანიანი
მთვართან ღამის ჩრდილში.
მთვრალ სჟურართ
სცუტან მალატრე.
ყდა (ნიამთრუმი)

რედაქტორი—ვალუტიან გატრინდამვილი.

გრიგოლ რობაქიძე

დიდი შუადღე.

მზვარის წურბელნი სრიალობენ ლალის პეშვებით.
ყარამთილს აბნევს მზის ტევრების ნელი კალმასი.
ყვითელ აღმურში ილეწება თეთრი აღმასი.
მიწის მკერდები ალებს სვამენ აზარფეშებით.

ცხელ ნირვანაში მოთენთილი მძიმედ ვეშვებით:
ვით მდინარეში შეძირული ნელი კალასო,
ხელდება უინი აღესილი ქარვის კალასი!
დიდი შუადღის ავხორცობით დავიგეშებით.

მწიფე მარცვლები ცვივა ხვეტის გამსკადარ ბროწეულს.
თვლემის ბადეში აზმორებენ ყველა რიტმები.
ნათელი ჩქური ერთვის ვნებით სივრცის ძოწეულს.

ღვთის სიახლოვით მეწამულნი: ვიწვით; ვითვრებით.
რახსებ-შებმული ტყდება პანის სპილენძის კვვრბ.
და სიყვარულით ბნედას გვაყრის მზის ავი ტევრი.

1918 წ. ენკენისთვე

პაოლო იაფვილი

აგცაპბატცრყცი.

ამპარტავანი და ყოველთვის პირგაპარსული,
ბუნებით შავი, ხელოვნურად გათეთრებული,
ლამაზ რითმისთვის ერთის წუთით ჩაფიქრებული
ვამაყობ მითი, რომ არა მაქვს ვრცელი წარსული.

დამონებულ ხალხს შევაპარე სიტყვა თარსული.
ყოველთვის მელის მშვენიერი ქალთა კრებული.
მხოლოდ უაღრეს ყელსახვევით გაკვირვებული.
მათრობს გაშიში, სურნელება ძველი, სპარსული

საქართველოში არ იწამეს ჩემი დენდობა,
მაგრამ ბოდღერის ცივი ლანდი მე თუ მენდობა,
ხალხის წინაშე მე ვიქნები მუდამ მართალი.

მე მახალისებს მხოლოდ ჩემი salto—mortale
შეგხარი მზესა, ვეტრფი მთვარის ყვითელ ხვერდსა
და რუსთაველთან გადავდივარ მე ალავერდსა.

1917

ბიციან ტაბიძე

2 აპრილი.

ბათომი მისცეს და ორპირზე მოდის თათარი...
 ატმის ყვავილით სისხლიანი სტირის აპრილი.
 ყვითელ სატურნის უბედობით ავით გამხდარი—
 პიეროს სულიც საქართველოს კუხათ დახრილა.
 უახლოვდება საუკუნის მას მეფთხედი,
 ჰგონია, თითქო საქართველოს წინ დაიბადა.
 საბედისწერო წუთს ელოდი, წუთო მოხვედი..
 პიერო წუთით წითელ ქუდში გაგარიბალდდა.
 თავზე დამნათის ჩემ ქალდევს ყველა ვარსკვლავი.
 ვანქის ტაძართან სალოცავათ მივედი მარტო,
 მაშინ ტფილისმა კოშმარების გამიშვა მკლავი,
 განვიღო ცხვირებს ეშაფოტი რომ აუმართო.
 საკუთარ თავის და სამშობლოს ახალ შერცხვენის
 ტანჯული ფიქრით სამუდამოთ მოვიქანცები.
 ახ! მეგობრებო, ჩემი სული ჰვარტლია სხვენის,
 ცრემლით სავსეა ჩემი წილი „ჩვენი ყანწების“.
 მხოლოდ თქვენ იცით, რისთვის მტანჯავს ასე ტფილისი,
 მისი სიზერე, მრუდე სახე და სიფილისი...

აპრილი 1918 წ.

ბრ. ჯაფარი

თელთა კატავი.

ოცნება თეთრი—ნაზი წუთი—და სალოცავად
 ფირუზის ფიქრით ათოვლილი თეთრი კარავი—
 ო. როცა, ძმებო, შემოდგომის ბილიკით წავალთ
 ნაზ დატირებათ და საუბრათ დაგვიფარავენ.
 უფალო, იყოს—იყოს ჩვენთან ეს ნორჩი ნდობა—
 ნუ დაიძინებს ლოცვა დახრილ ქუთუთოებზე—
 და მეჩვენება თეთრ კარავათ და სამშვიდობოთ
 მე მოგონება ნისლისფერი—ის ფართო ეზო—
 ძველი სახლები, მოწყენილი რომ ასე სდუმან
 და ყვავილები—ყვავილები სათუთი, ნაზი—
 ვინ დაგვიტირებს უკანასკნელთ ამ ქვეყანაზე
 თეთრი ოცნებით—უცნაურით და ჩუმით—ჩუმით!
 და ასე გვართობს ფერმიხდილი ეს საუბარი
 თეთრ სიხარულში საოცნებოთ რომ მოგვეჩვენოს—
 ო, ეს ღექსები, სუსტი, ნაზი მას დაუბარეთ
 ვინც აქ თეთრ კარავს და მშვიდობას ჩვენ აგვიშენებს.

ლელი ჯაფარიძე

მაცარქლიდან.

დინ, დარი-დან,
დან, რე-ზე-დან!

ო, ჩქარა, ჩქარა, ორთქლმავალო და მემანქანე!

ველარ ვჩერდები შენს კარებზე და

საითმე სწრაფად გადამაქანე...

ფიქრიან ტყეში მეჩვენება ავი ლანდები,
თითქოს შეშლილებს მოუერთვიათ იქ გვიანდები.

ო, ჩქარა, ჩქარა, მემანქანე! ნუ გვიანდები.

დინ, დარი-დან,
რომელ მხარიდან?

რის ნიშანი ხარ, ავის, კარგისა?

მაგრამ რას ვჩივი: ჩემი მარკიზა

დღეს იქ დავტოვე, იმ მხარეზედა.

რიონი

სვირი

აჯამეთი

აუ!! ყვირილა!!!

ნუ თუ ამ დაბამ ჩემი სული აავიროილა?

ცეცხლიან ყვავილს დამწვარ გულში მაინც არ გრილა.

ხეები ხეზედ, ხეები ხეზედ; საითკენ, საით?

ო, მე თქვენს სირბილს ჩემს სიცოცხლეს უთანაბარებ,
განვიღო დღეებსაც კი ველარ ვგრძნობ და უცხოსავით
ყველაფერს წარსულს გაკვირვებას ერთს დაუბარებ.

სადმე სადგურია

სად მე, სად გურია?

მაგრამ თუ ნისლში არ მარხია ჩემი ფიქრები

და ჩემმა სხივმა ერთხელ მაინც ვერ ივარგისა,

ო! ეს ხომ ვიცი, რომ მზეზედ შორს ვერ გამიქრები

და მზის დანრისას მაინც გნახავ ჩემო მარკიზა!

დინ, დარი-დან

დან-რე-ზე-დან

ო, ჩქარა, ჩქარა, მემანქანე ნუ გვიანდები,

ფიქრიან ტყეში მაშინებენ ავი ლანდები.

კოლაუ ნადირაძე

შალვახანი.

შევალ Notre-Damme-ში მოღუნული, როგორც იუდა;
დიდი ქუჩების ავზორცობით ტანდადალული;
ვიცი, ვერლენი მონანებით აქ მოდიოდა,
რომ დიდი ცოდვა შეეცვდრა გადანახული.
შემომხედვენ წმინდანები დატვირთულ ცქერით;
აკანკალებით იმათ სახეს ჩავაშტერდები;
მლოცველთა ზურგებს ეფინება ყვითელი ფერი;
დავთვალე შიშით ქარვისფერი ქრისტეს გვერდები.
ისევ ღვთისმშობლის გაღიმებას გავეკიდები;
შეგკადრებ მხოლოდ: „ქალბატონო, ახ ჩემი გული!“
და თუ ავტირდი, მე მლოცველებს მოგვირდები,
რომ სხვაზე მეტათ არ ვეგონო მათ დაკარგული.
როცა ქუჩებში ნოემბერი დადის წვიმებით,
იქნება სცივათ მაშინ გამხდარ უბინო ძაღლებს...
თეთრ ბალდახინზე ქანაობენ სერაფიმები:—
მოასვენებენ მოქალაქეს ყველაზე ნაკლებს.
ვინ შეგვახვედრებს, ვის უნდებვართ, ვინ მოგვიგონებს?!
დიდია ღამე... ვინ გადახდის სახლებს სახურავს?
მხოლოდ პოეტი გაბრაზებით დაცლის სტრიქონებს,
და ქლექიან ცოლს წაუკითხავს—ღმერთზე მომდურავს.
მივმართავ ჩემ თავს მონოლოგით და ვეტყვი ასე:
„თქვენ, სულო ჩემო, საცოდავო სნეულო ბავშო:
რისთვის არ მოგწონთ ეს ცხოვრება და სიძვირფასე?
წავიდეთ ერთად, ჩუმაღ ჩავსხდეთ მოთეთრო ნავში.
მე თქვენ ოქროს თმებს გადავვარცხნი იქ მორიდებით:
ჩაგაცვამთ კაბას, დაგიკონით მცივანა ფეხებს;
და თუ ქალაქმა გადაგვრეკა თავის დიდებით,
წავალთ და მტრედებს გადავუყრით პურის ნატეხებს.
გრამოფონის ხმა (უკვდავია მომგონი მისი!)
ჩვენ მოგვესმება სახლებიდან ნელი ხრიალით,
და თუ დაგვიდგა დღე მზიანი და სამაისო,
დაუვლით ლეკურს თავმომწონე ცეკვა-ტრიალით“.

მალერიან გაფრინდაშვილი

დაისი მესამე.

და ცის უფსკრულში აიღეწა კაფე ლანდური:
ახალ პოეტებს გაუმართავთ ლურჯი კაბარე.
იწვის არღანი, იკლანება იქ ფისმანდური,
და ჩემი ცქერა მოჩვენებას კვლავ შევადარე.
ანგელოზები სამართებლით პარსავენ ლოთებს
მსახურებს დააქვთ ოპიუმი მაღალ ვაზებით:
ისევ მედუზა ყავისფერი მათ ააშფოთებს,
ვინც ლექსებს ამბობს ტირილით და რუხ ვაბრაზებით.
ლალის სიგიჟე, ყირამალა და ხარაკირი,
ჯამბაზობს კაფე და ჰაერში გადაბრუნდება...
ისევ დაისი ატორტმანდა, როგორც საკირე,
და ჩემი ცქერა ჩვენებასთან ბრძოლას უნდება.
რას შემთავადებს მთვრალ კაფეში ლალი მგოსანი
და ეს იქნება თვით პალო, თვით სხივოსანი;
ნისლიან ხალხში ის სონეტით გადავარდება
და მისი ტანი დამსხვრეული ტალღებს ბარდება.
ისევ მსახურებს ოპიუმი დააქვთ ვაზებით:
ლალის სიგიჟე, ყირამალა და ხარაკირი—
ვინც ლექსებს ამბობს ტირილით და რუხ ვაბრაზებით,
მას მოიტაცებს მოდასე უცხო ფაკირი.
და კიდევ ერთხელ გაფითრდება კაფე ლანდური:
სავსეა ჭალი თავისმკვლელთა ავი ძორებით.
ისევ მეძახის გრიგალიდან მე ფისმანდური
და თეთრ სურდოთი მემუქრება განმეორებით.

1917 წ. 11 ნოემბერი.

ატიქრაქაქა.

კვალ დ ზღაპრულად აფერადდა ქართველის დიდება.
მხიარულ სიცილს აღარ შხამავს ფიქრი ზანგური.
ყიფიან გრძნობით სიკვდილისაც არ მერიდება.
სულში ანთებულ ჩირაღდანმა დაისადგურა.
სისხლში ათრთოლდა ჟინიანი ლხენა—სპარსული.
დღეს იმას ვმღერო, რაც არავის არ უმღერია.
კვლავ შემიყვარდა ეს ქვეყანა ცრუ და თარსული.
ჩემი თვალები დღეს მზესავით მშვენიერია.
სალამს არ ჭაძლევ შეხვედრის ჟამს შეგწარბა ღამეს.
ატმისფერ ბაგით ომებს ვუკოცნი ოქროვან აისს.
საზღვარი არ აქვს ჩემ სიგიჟეს; და სითამამეს.
იალბუზიდან ვუხმობ ალპებს და ჰიმალაის.
სწრაფად დამიწყო აღტაცებამ ფრენა გედური.
ცხელი ფიქრები მიტაცებენ ფერად ლანდებით.
და თუ აქამდის სული მქონდა მე უბედური—
დღეს ტანს მიმშვენებს სინარულის ბრილიანტები.

შალვა აფხაიძე

თეთრი საღაბო.

მე შენ ნაზ სურათს, მოფერებით, წმინდა Maria,
ვატარებ ყველგან ავათმყოფი—ჩუმი დიდებით.
თითქოს ქვითინებს იღუმალი თეთრი არია
სათუთ ჩარჩოში, მე პიერო, რომ ვაკვირდები.
ჩემი ოცნება შენ მორცხვ ცრემლებს დაედევნება
და უცაბედათ წამომცდება „ახ, ჩემო Madame“
მოჩვენებაა ეს სიყვითლე, თუ მკრთალი ვნება?
მე შენი ცქერით დავითვრები როგორც თამადა.
გავიხმობ ცალკე შენ თაღ თვალებს ძვირფას ლორწეტით,
თეთრი ღუელი სამუდამო გაიმართება,
არ ვიცი რომელს წაგვიღებენ ცისფერი ეტლით.
—მარად ქალწული, ზეციური ღიმილი კრთება,—
არ მომწყინდება სურნელ კვამლში მე სანთლით დგომა,
ნათელ სიზმრებში უშენობით არ მესვენება.
ნაირ ფერებში ითენთება თვით შემოდგომა—
ო, ლურჯ წარსულის სილამაზის—თეთრი ხსენება.

კახლენ გვეთაქმ

რ ე ვ მ ა ე.

ღარიბ ოთახის არ მამშვიდებს ღია კარები,
ჩემი ოცნება კეთროვანი—ფიქრებს აბანდებს.
დავდივარ მარტო და არავის არ ვეკარები,
როგორც შეშლილი ქვით დავეძებ ძველ შუშაბანდებს.
ღარიბ ოთახის არ მამშვიდებს ღია კარები.

ჩემს მეფურ პროფილს აღარ ჰშვენის ლალი, მარჯანი.
მოუსვენრობით გაუტოლდი უბედურ ციგნებს,
მაგრამ მაკუნტებს სიუძღურე ვით მემარჯანი.
საშიშ დამეში ჩემი თვალი გზას ვეღარ იგნებს.
ჩემს მეფურ პროფილს აღარ ჰშვენის ლალი, მარჯანი.

დამტყდარ ლოცვებით შევიყვარე მე ვაზის ჯვარი.
მარტის ხასიათს ვერ მათვისებს სახე ატამის.
არავის ხიბლავს სითამამით დღეს ჩემი გვარი,
და დანანებით მუდამ მტანჯავს ცოლვა ადამის.
დამტყდარ ლოცვებით შევიყვარე მე ვაზის ჯვარი.

ჩემი ვარსკვლავი აღარ ბრწყინავს, ოდნავ აშუქებს,
ვით მომაკვდავი ბედს ვემდური გულის წუნებით.
ვეღარ ვთამაძობ შაირებით ჯიბრში აშუღებს.
როგორც დავრიში ვიარები ძველი წუღებით.
ჩემი ვარსკვლავი აღარ ბრწყინავს, ოდნავ აშუქებს.

შალვა კარმელი

მეფისღალნი ცრატჳრბში.

დღეს განვიცადეთ ღვთაებრივი დანაკარგისი.
ფიქრობ: პრინცესა უბედური რომ სიზმარშია.
ამაყ სეფექალთ შემოევლო შავად არშია:
მომკვლარა პანი, მეოცნებე ღამის მარკიზი!

ქრება გლოვილში ორეულად ორი ნარგისი.
მწუხარე დების ღრმა თვალები ცრემლთა დვარშია.
ჩვეულო მგზავრო! ქალბატონი ძველ საყდარშია,—
ქალწულთ აჩრდილიც ხატს აშურებს—სარკის სარგისი!

ერთხელ ელოდა მათ იღბალი და სილამაზე.
ახლა ტირიან მოლოზნებათ დღეცვლილ მამაზე.
დააქვთ საფლაფზე ხრიზანტემა, ხან აკაცია.

კარგი რომ ჩემში ნიღბებით მამაკაცია,
და, ვიტან გრიგალს, სასიკვდილოდ გულის რომ აყუჩებს,—
თორემ ვიხზობი და ვერავის ვერ ვთხოვ ლაყუჩებს!..

ნიაზორები.

როს დაღალდება მზის ხელები ცხელ ტაშის ცემით,
და დღეც ჩაჯდება დაქანცული მუქ სავარძელში,—
სხივთ აჭყვებიან ნიაზორნი—ნაზ ატაცებით—
მაღალ მწვერვალთა ლაქვარდოვან საბრძანებელში.
დათლილ ფეხებით—სრიალობენ და ნავარდობენ;
მოხდენილ ტანით ეხვევიან შუქროვან თმებში.
კენჭები როკვით ეშვებიან ყრუ ნაპრალებში;
ჰაერის სერვით მიძინარ კლდეებს ხშირად აკრთობენ.
მნათობი ცისა დასავლეთით მათ აცქერდება,
შეჩერებულნი ერთის წამით ჩასავალ თაღზე,
უმალ დახატავს უცხო სურათს და აძგერდება;
განშორებისას ორ მაყვალ ცრემლს დაუშვებს დაწვზე.
შორის ამბორით ცელქნი მნათობს ჩააცილებენ...
და უცებ, თითქოს, იღუმალსა რამეს ხედებიან,—
მიმქრალ თვალებით უცნაურად განაზღვებიან;
და დიდ-ხანს მდგომნი თვალთა სხივებს აციმციმებენ.
აგრე თავდება ცხელ ზაფხულის დღეთა პარადი,—
ვით დასრულება დიდ ნადიმთა—მოღლილ ზმორებით.
იმ დროს იშლება საიდუმლო ჰანგი მარადი,
და მას ისმენენ მხოლოდ ნაზი ნიაზორები.

ნიკოლოზ მიწიუხვილი

წმინდანიანი.

საუკუნეში ერთხელ ქვეყანას მოველინება წმინდანიანი:—
ცეცხლის ფრინველი, მთაველი ცოდვის და როგორც თევზი-წვრილტანიანი.
აითვალთვალეებს ღამით მადლობზე საყდრის გაღავანს მგზავრი შორითი
და დააცბრება წვერმაღალ ნაძვებს, ვით მოწყვეტილი მეტეორიტი.
ძირს, დახავსებულ მუხის საყდარში შეშფოთდებიან სულ წმინდანები:
ისე იელვებს ხატებთან შუქი, ვით დამარცხებულ მტრის წინ დანები.
დამბლა ეცემა წმინდა გიორგის და გველვეშაპიც მოუტყერს რკალებს,
ხელთ გავარდება მარიაშს შვილი და პეტრეს შიში ააქანკალებს.
ქრისტე წამებით ჯვარს გადატეხავს, გაიშვებს ხელებს ცხელ ლურსმანებით,
გუმბათზე თვალი დაიხუტება, გაციებული გველურ ზმანებით.
თუ ვინმე ამ დროს გაივლის ახლო—თავს დაემხოზა ცეცხლის სვეტები,
ავი სახადით დასწეულდება და ჭკუას მოსწყვეტს კუპრის წვეთები.
დილაშდე გასტანს საყდართან ბრძოლა და რიყრაქამდე სული ცდომილი
ავ მოჩვენებით აწვალებს საყდარს, დაუძლევი და მიუწდომელი.
დილით გაქრება ცოდვის ფრინველი, კივილით ღამეს გაეკიდება.
ცეცხლის ნაკვერცხლებს დააყრის ტყეებს და ტყეებს ცეცხლი წაეკიდება.

მთავარიან ღამის ჩრდილში

ხუთი ცხენოსანი, რამდენიმე ქვეითი, და სამი ურემი ბრუნდება დღეობიდან. მოყვარე კარგათ დაუხვდა სტუმრებს; ყველა ნასიამოვნები მიდის სასლში: ყმაწვილები შეზარხაშებულნი არიან; მოხუცი—მთვრალი; დედაბრებმა მოიგონეს თავიანთი წარსული, იმასლაათეს—მკვდარი აქეს და ცოცხალი გაქექეს; ქალიშვილებმა ცეკვით იჯერეს გული; ჭრელი თავსაფარი, წითელი ქოლგა ხალხს აჩვენეს, იკასკასეს, იცინეს. ბავშვებმა ირბინეს, ბურთი ითამაშეს; მასპინძელმა ოჯახის ბედნიერებით მტერს თვალი დაუყენა და მოჰყარეს გული გაუხარა. როცა უკან ჩამორჩენილი ურემი ჩრდილით მიძინებულ ადგილას მოხვდება, ახალგაზრდა, ჩაბალახ—ჩამოფარებული ბიჭი მივარდება ურემთან, ვიდაცას მუჯლოგუნს წაჰკრავს და ჩაუჭურჩულებს:

— მეიწიე აქეთ, ძღაბო;

— გაჩუმდი, დედა გეიგონებს....

— ნუ გეშინია, სძინავს. თუ გინდა გეიგონოს,—მაგი ჩემკენაა, საფერის-ცვალებოთ ისეთი ბაღდათი მოუტანე, სულ იკივლა სიხარულით. მითხრა, მე ვიციო....

— წადი, შე გასაწყვეტო, მომშორდი; აქ სინათლეა:

ბიჭი შორდება რამდენიმე ხნით.

ჩრდილთან ერთად ისიც აჩრდილსავით მიეპარება ურემს.

გოგოს, სანამ მოვიდოდეს, გული მოსდის, სად არის ამდენხანსო.

— ოლიკო....

— ჰო, რა გინდა, რა შემიწვილე გული?!..

— ი ბიჭი ვინ იყო, შენთან რომ ცეკვავდა?

— ვინ იყო?! რა შენი საქმეა, ვინ იყო?..

— თავს ნუ იგდებ! ვინიყო—მეთქი?—ბიჭმა გოგოს ხელი წაატანა ხელში და მოუჭირა.

— ვინ იყო და ძან კაი ბიჭი! ოქრომჭედელია.... ბიძიამ მითხრა იმას მიგცემო.... იი! გასკდი გულზე!

— ძაღლმა შემჭამოს, თუ შენც და ისიც საშობო გოცხავით არ გამოგ-ფატროთ!..—და ბიჭმა ძაღზე მიიზიდა გოგო თავისკენ, ხელი კიდევ უფრო მოუჭირა და ჩაეკითხა:

— მართალს ამბობ თუ ხუმრობ?...

მთვარის სინათლემ ისევ გადაკრა მათ.

— ვხუმრობ, ვხუმრობ! ნუ გადირიე—შეგვხვდავენ!

— მგზავრების წინ, სულ თავში გოგოს მთვრალი მამა მიდრს; ცხენზე აქეთ-იქით ეკეცება და ბუზღუნობს: „ძან კაი, შენ ნუ მომიკვდე! გვარ-რიანათ ვიქეიფეთ, დავთვრით... ჩემი გოგო იმ ბიჭს მეეწონა.... შეძლებული



და კაი ხელობის კაცია. ერთი ორი კვირე კიდევ და უფსკვნი ჯვარს... და...
მოვრჩები ერთ საქმეს“.....

- აბა სიტყვა მომეცი!—მიუხანლოვდა ისევ ბიჭი.
- რისი?—თითქოს არ იცისო, იცუღლუტა გოგომ.
- რომ არ მიმტყუნებ, ჩემს მეტს არ ინდომებ...
- ჯერ შენ მომეცი. არა! შემომფიცე!
- შენ თუ გიმტყუნო, დამეჭყეს ოჯახი. წმინდა გიორგის ლახვარი მომხვდეს!
- შენ მეტს თუ გავყვე, ღმერთი გამიწყრეს, დედა წამიწყდეს...
- აბა ნაწვამდის, არ დაგავიწყდეს!—და ბიჭი გაღუზხვევს გზა—ბოძალში.
მზადდება დრამა.
- ქალაღზე კი არ დაიბეჭდება,
- მსახიობები კი არ წარმოადგენენ,
- ცხოვრების ჭრელ დაფაზე შეეტაკებიან ხასიათები;
მობდება ბრძოლა ნებათა და სურვილთა.
ძალა უფლებებზე მიიტანს იერიშს;
დამარცხებული ვეღარ იხარებს მთვარიან ღამის ჩრდილში.

სერ. კლდიაშვილი

მთვრალ საუბარით.

დღეს ისევ მეგობრებში ვარ.

და, როგორც ყოველთვის, თრობა ფერად საუბარით.

ო, ეს სიტყვებით დათრობა,—ო ეს საუბარი რჩეულ მეგობრებში.

ის მაღლარს წვეწვზე უტკბესი და ძლიერია.

თამბაქოს კვამლი ამძიმებს ოთახს..

აქ, პატარა ოთახში, კვამლით დამთვრალ ოთახში უცხო სამყაროა და ყოველი საათი, ყოველი წუთი ქარავანია ზღაპართა და ქიმერების. ოთახში თრთიან იღუმალი კუთხეები და სცხოვრობენ ლანდები, კედელზე ფრთხილათ რომ დადიან.. ცოცხლებიან ხავსიანი ქვეყნები და ჰკვივან ჯერ არ ნახული.

დაორთქილი ფანჯარა საზღვარია ორ სამყაროსი.

კვამლიან ოთახში, სადაც ჩემი მეგობრებია, შესაძლებელია უკვდავება—კვამლიან ოთახში, სადაც ჩემი მეგობრებია, ცოცხლებიან უცხო ქვეყნები—

კვამლიან ოთახში, სადაც ჩემი მეგობრებია, გწამს შეუძლებლობა.

დღეს ისევ მეგობრებში ვარ..

უსაზღვროების მშვიდი თავადი ფერადებით მთვრალ ნაწამებ ოთახში.

სცოქან მალარმე.*)

I

მალარმე არასდროს არ ყოფილა პოპულიარული, როგორც მწერალი. მისი აუდიტორია არ იყო დიდი, მაგრამ ის შესდგებოდა პოეტებისაგან, რომელნიც უსმენდნენ მას, როგორც სიბილლას მოწიწებით და თრთოლვით. პოეტებმა აიყვანეს ის დიდების განმარტოებულ სიმაღლეზე. მალარმე სწირავდა თავის ლექსებს არა განათლებულ ბრბოს, არა გაზეთების მითხველებს; ის სჭედდა თავის სონეტებს მისი კარჩაკეტილ გენიალობის დაუღალავ და ვნებიან თაყვანისმცემელთათვის. მალარმე არასოდეს არ განდებდა კლასიკური: ის ყოველთვის გამოიწვევს ფილისტერების გულისწყრომას, რომლებსაც მისჯილი და გადაწყვეტილი აქვთ იალტაცონ ვულგარული მწერლებით.

ვერლენთან ერთად მალარმე იყო მამათმთავარი ახალი შკოლის ფრანგულ ლიტერატურაში—სიმვოლიური შკოლის. მისმა მრავალმა საუბარმა პოეტებთან, არა ნაკლებ ვიდრე მისმა ნაწერებმა შექმნა ის ნიადაგი, რომელზედაც აყვავდნენ შხამიანი ყვავილები ახალ ხელოვნებისა. თავის შემოქმედების დასაწყისში მალარმე იყო პარნასელი და პარნასელების პოეტიკის გავლენით, რომელიც აღიარებს ფორმას, როგორც ერთად ერთ საფუძველს ხელოვნებისას, მალარმე სამუდამოთ დარჩა სტილის რაინდი და სიტყვით აგზნებული. იმ წრეში, რომელიც იკრიბებოდა მალარმეს სალონში, არსებობდა მალარმეს კულტი.

მალარმემ შექმნა სიტყვებიდან კოშკები უღმობელი სითეთრისა. სონეტი, ეს თავადური ფორმა ლექსისა მალარმემ, ვით ჯადოქარმა გადააქცია აჩაყ და კეთილშობილ ჩვენებათ. და მალარმეს მაღალი სახელი შეერთებულია გედის წარმოდგენასთან, რომელიც კვდება სონეტის თოვლიან სარკეში. მალარმე იყო „პოეტების მასწავლებელი პოეზიაში“. მის მოწაფეებს შეუძლიათ აღმოაჩინონ მის ლექსებში ძიება უდიდესი სტილისტისა, რომელიც სანამ მიანდობდა თავის თავს სიტყვას, ანთავისუფლებდა ამ სიტყვას ყოველდღიურ ცხოვრების სამარცხვინო გავლენისაგან და უკანასკნელად სიტყვები განწმენდილნი, სასჯელთა რკალში გატარებულნი, გამომწვარნი გონების ცეცხლში, იძენდნენ საფირონთა და აღმასთა ღირებულებას, რომელთაც მინიჭებული და ნაბრძანები აქვთ იწვოდნენ და არ იფერფლებოდნენ პოეტურ შემოქმედების სასწაულში.

მალარმეს პოეზია სიმვოლიურია, მაგრამ ის თვითონ იყო გასაოცარი და

*) წაკითხული იყო „ცისფერ ყანწების“ საღამოზე ტფილისში 1917 წ. 2 თებერვალს.

სამაგალითო სიმბოლო. მისი არა ვრცელი და არა მდიდარი ბიოგრაფია ზღაპრულია ჩვენთვის, როგორც ბიოგრაფია არტურ რემბოსი, ამ ბარბაროსის, რომელმაც, როგორც ჰანიბალმა თავს დაესხა პოეზიას, განადგურა ის და შემდეგ წავიდა თავის მოჩვენებებით გაალებულ უდაბნოში. მალარმეს პოეზიაში დიდი ადგილი უჭირავს ოთახს, მაგრამ ეს ოთახი დამშვენებულია მორალს იროდიადით და იაპონიის ეკზოტიურ ვაზებით. ბუხარი მის პოეზიაში და ცხოვრებაში იყო მომხიბლავი დეტალი, როგორც ყალიონი; წიგნი კი იყო უკანასკნელი ასრულება მისი ოცნებისა. ეს ხომ იმან სთქვა, რომ სამყარო არის გაჩენილი იმიტომ, რომ დაიწეროს ერთი შესანიშნავი და ღირსეული წიგნი. და მისგან, როგორც სახარებას, მოვლოდენ ამ წიგნს, რომელსაც ის სწერდა მთელი თავისი სიცოცხლე. ეს წიგნი არავის არ წაუკითხავს. ის დასწევს მალარმეს სიკვდილის შემდეგ მისმა მემკვიდრეებმა. შეიძლება ამ წიგნის დაკარგვა უსწორდება ალექსანდრიულ ბიბლიოთეკის დაკარგვას.

მალარმეს ყურადღებას არ იპყრობდა პოლიტიკა და როდესაც მას სთხოვეს გამოეთქვა თავისი აზრი ფრანგების და გერმანელების დახლოებაზე, რომელიც მაშინ უნდა მომხდარიყო, მალარმემ სთქვა: „ჩემთვის საკმარისია ის, რომ ბოდლერი ითარგმნება გერმანულ ენაზე და ვაგნერს ტაშს უკრავენ პარიზში“. ის ახლა არ იტყვოდა ამას, მაგრამ მისი სიტყვები მაინც საგულისხმოა.

II

მალარმეს უყვარდა ლათინურ დეკადანსის პოეტები, რომელნიც ენათესავებოდნენ მას ფორმის და შთაბეჭდილებათა შემოდგომის კულტით. დაისი და შემოდგომა — აი ორი მომენტი, რომელნიც დიდ ხანს შეადგენდნენ მალარმეს იდეალს. მაგრამ არსად არ იფეთქებს ისეთი ძლიერებით ზამთრის ალი, როგორც „გედში“, რომელიც არის დამაბრმავებელი ნირვანა თეთრი წყვიდადისა. მალარმე უფრო ადრე ენაშურებოდა შემოდგომის მუწამულ აგონიას, ცეცხლ მოკიდებულ ხეებს, უიმედო ჰეიენებს, მაგრამ შემდეგ მან უარყო დილის და შუადღის ვარდისფერი ბრწყინვალეობა, რადგანაც ის მიიზიდა თეთრმა ფერმა, რომელშიდაც უფრო ნათლად აისახა მისი დენდიზმი, მისი ამპარტავანი სევდა. აქამდის გაურკვეველი გამოცანა — მალარმე ნახულობდა თავის ოცნებისთვის სამოსს თითქმის უხილავს, გამკვირვალეს და ლანდურს. ჩვენთვის განსაკუთრებით არის ძვირფასი ის ლექსები, რომელნიც არ არიან მისაწვდომი ვულგარულ გაგებისათვის და იწვევენ შიშს, როგორც უცხო იეროგლიფები. მისი ლექსები — შორად მოკლებულნი მძიმეებს და წერტილებს თითქოს არიან ფრაგმენტები, თითქოს ჩვენს წინ იშლებიან შეწყვეტილ ორგიათა და განთიადთა ოაზებში. ვიჩვენებთ ივანოვმა აღნიშნა მხატვარ ჩურლიანის სურათებში გაბატონება სწორი ვერტიკალური ხაზისა, რომელიც მულამ ცისკენ არის ამარ-

თული; მე ავნიშნავ მაღარმეს პოეზიაში თეთრი ფერის უპირატესობას. თეთრ ფერს მაღარმემდისაც ყავდა მოტრფილვე. გავიხსენოთ ტეოფილ გოტიეს ლექსი—სიმფონია ღია ფერისა. მაგრამ გოტიეს პოეზიაში, თუმცა ის პარნასელია, ეს ფერი არ არის გავრცელებული მთელ მის ლირიკაზე, მაღარმეს შემოქმედება კი არის დაბურვილი ამ ფერით, როგორც უნახესი პუდრით.

მაღარმე ქანდაკებრივია. როდენმა—თანამედროვე ქანდაკების ფიდიასმა— იგრძნო და დააფასა მასში მოქანდაკე, როდესაც სთქვა მაღარმეს გასეზვნებაზე: „ბუნებას ბევრი დააგვიანდება, სანამ ის კიდე შექმნის ამისთანა ქალას“. ბალეტში მოცეკვავემ ნიჟინსკიმ განხორციელა მისი ფაენი, ნიმფებს რომ სდევნის ვნებანი თავდავიწყებით. „ფაენის ნაშუადღევის მოსვენებაში“, რომელიც რჩება ხსოვნაში, როგორც უსპეტაკესი ქანდაკება, მაღარმემ კიდე ერთხელ დაამტკიცა ოცნების ძლიერება. ეს ოცნება, რომ წარსული დაიბრუნოს, სძლევს აწმყოს და მასში ამეფებს სასურველ ზმანებათა ცხადებას.

მაღარმემ შექმნა ოთანის ესთეტიკა. რასაკვირველია ოთანის თვალსაჩინო კათეგორია არის სარკე. შეიძლება მაღარმე არის პირველი პოეტი, რომელმაც მიაქცია ყურადღება სარკეს, როგორც შემოქმედების საგანს და მაღარმემ მოგვცა სარკის პოეზია. სარკე ხომ უდიდესი სიმბოლოა ჩვენი ყოფნისა. არაფერი ისე მისტიურად არ გამოხატავს ჩვენი ყოფნის ლანდურობას, ჩვენს ორობას, ჩვენს კავშირს წარსულთან და მომავალთან, როგორც სარკე. აი ციტატა მაღარმეს: „ზამთრის კანკალიდან“: ის ელპარაკება ქალს: „ვინ იხედებოდა შენს ვენეციურ სარკეში, რომელიც ღრმია, როგორც გრილი წყარო, დატყვევებულია გველივით დაკლავნილ ნაპირებში გახუნებულ ოქროთი. მე მრწამს, რომ არა ერთმა დედაცმა ჩაასვენა ამ წყაროში თავის სილამაზის ცოდვა და დიდხანს რომ ჩაუევირდე, მე დავინახავდი ტიტველ აჩრდილს“. აი როგორი სიტყვებით მიმართავს სარკეს მაღარმეს იროდიადა: „ო, ცივი სარკე! უფერო წყალი, ეს ბროლის სევდა. მომწყვდეული გაყინულ რკალში, ო მეტად ხშირად უნუგეშო, მრავალი ხანი, მე დაღალული სიზმრებისგან, მდომი ოცნების, რომ ჩაითენთა ვით ფოთლები შენ წყლის უფსკრულში, მე გამოვკრთოდი შენ სიღრმიდან ობოლ ჩვენებათ. ო, დაისის დროს შენი ლურჯი წყლების სიღრმეში ვიგრძენი ტიტველ ოცნებათა ამოვება“.

მაღარმემ უაილდზე უფრო ადრე შეიყვარა ნივთები და ამხილა მათი ინტიმური რაობა. მაღარმემ გაიგონა თეთრი ქვითინი სერაბიმთა და აქაც ვნახულობთ ჩვენ სერაბიმთა ვიოლებში და მიზრათებში მაღარმესათვის ტიპიურ სითეთრეს. ქალწულობის და ზამთრის სითეთრე კიდე ერთხელ გვატყვევებს ჩვენ „იროდიადაში“. ამ პოემაში ხომ ყველა ფიქრები და ოცნებები იფრქვევა თოვლიან სარკეში და „მოქმედება“ სწარმოებს მხოლოდ მინაში. თვით მაღარმეს პორტრეტი, მისი დათოვილი სახე იძლევა სი-

თეთრის შთაბეჭდილებას. ეს არ არის როდენბახის სანტიმენტალური თეთრე, მთვარემ რომ დაბადა თავისი საუკუნო სევდით. ეს არის სითეთრე ზამთრის, სარკისა და ქანდაკების. ეს სითეთრე არის სიმბოლო უმაღლესი სულიერი ძლიერებისა, ეს სითეთრე არის ნირვანა, რომელშიდაც პოეტს უნდა გაანცალკევოს თავისი სული. აქ სითეთრე მხოლოდ სახეა რჩეული უკვდავების. ბრწყინვალე და ქალწულ ზამბახებში გვევლინება ჩვენ მაღარმე, როგორც ბრძენი, სიტყვების მესაიდუმლოე, სიმბოლოს ქურუმი და ჩვენ გვიყვარს ეს ამაყი აჩრდილი.

III.

მაღარმე ლოცულობს იზიდისათვის, მოხიბლული იმით, რომ ვერასოდეს ვერ დაინახავს მის ღვთაებრივ სახეს, რომ მას შეუძლია მუდამ იოცნებოს მასზე და მორცხვათ გადაშალოს მისი სამოსის ხვეულები, როგორც გრძნეულ ყელსაბამის ქვები, როგორც სიმები ჭიანურისა, უქამანჩოთ რომ ქვითინებს. იღუმალება—ეს მარად ქალწულებრივი იზიდა—თითქოს მადლობელი იყო მაღარმესი, რომ ის ასე ფრთხილად ენებოდა მას, ანანავებდა მას თავის ოცნებაში და იღუმალებამ მისცა თავისი თავი მაღარმეს საამბოროთ. თავის თეორიაში და თავის ლექსებში მაღარმე იყო მცველი და მთრთოლვარე პაეი ამ იღუმალების. ის არასდროს არ ვეაჩვენებს თავის მუხას, ის წინააღმდეგია სიცხადის და მეტად უმადურნი უნდა წავიდნენ ამ ტაძრიდან, სადაც ღმერთების ყოფნა საგრძნობელია არა ყველასათვის.

მაღარმემ უარყო პოეზიაში აღწერილობა და მოთხრობა, მაგრამ არც ერთს მგოსანს არ უმუშავნია ეპიტეტზე ისე, როგორც მაღარმეს. შეიძლება მაღარმემ პირველად აგრძნობინა პოეტებს ეპიტეტის დიდი მნიშვნელობა. ეპიტეტი საღებავია საგნის და რამდენად ეს ეპიტეტი უფრო ღრმა და შინაარსიანი, იმდენად შემოქმედება უზრუნველყოფილია დროისაგან. გიუისმანსის გმირი დეზენტი ოცნებობს იმისთანა ეპიტეტის შექმნაზე, რომელსაც შეუძლია მთელი თვეები აქანავოს სული სხვა და სხვა მოგონებებში. სიმვოლიური ეპიტეტი არა გავს რეალისტურ ეპიტეტს, რომელიც ყოველთვის გენსაზღვრული და მცირე მისიით გამოდის პოეზიის საჯირითოზე. რეალიზმი არის უხეში ანარეკლი სინამდვილის, სიმვოლიზმი კი არის ქმედითი ფერისცვალება ქვეყნიერებისა, როგორც ესთეტიურ ფენომენის, როგორც სიმბოლოსი, რომელიც მოითხოვს შთაგონებულ გამოცნობას. მაღარმე აზროვნობს სიმვოლებით, რომელნიც, როგორც გრძნეული სარკეები იძლევიან სინამდვილის უამარ სახეებს. სახე ყოველთვის ერთია, სიმბოლო კი მრავალსახიანი, მისი შინაარსი უძიროა და ამოუწურავი, რაც სიმბოლოს აძლევს ცხად უპირატესობას, როგორც პოეტურ შემოქმედების მეტოდს. უაილდმა სთქვა: სიძულვილი საზოგადოებისა თა-

ნამედროვე ხელოვნებისადმი არის კალიბანის გახედება, რომელიც ხელოვნების სარკვეში იხედება და მასში თავის თავს ვერ ნახულობს. მალარმე იყო ბრწყინვალე იმპროვიზატორი თავისი ოცნების და ცხოვრება, როგორც უფარგისი სუფლიორი სამუდამოთ უარყოფილი იქნა პოეტისაგან. სიმვოლიზმი არის ძიება და ნახვა იმ გარმონიულ პარალელებისა, რომელიც პირველად აღიარა ბოდლერმა თავის „შესაბამებაში“. მალარმემ ნახა თავისი ოცნების ცხადსაყოფათ სიტყვათა ახალი დასი, დაუზოგავ სიმბოლოთა სინტეზი. მისი ლექსების მოვლვარე კომპოზიციური და ობიექტური სიტყვები, როგორც ნიღბიანი ბრილიანტები და ოპალები ამყოფენ ერთმანეთის სხივებით, ერთი სიმვოლიური სახე იხედება მეორეში, სანამ მთელი სიმბოლო არ აიმართება ცაში, როგორც „ფეერიული სობორი“. მალარმეს სიმბოლო არ არის ალევორია და უბრალო კალენდოსკოპი. სიმვოლისტიკა შექმნეს პოეზიაში პერსპექტივა, პერსპექტივა მარადისობისა, კლასიკური პოეტები კი ახლო იდგენ თავის შექმედების საგანთან და შეგნებულად არ განიშორებდნენ მას. ჭეშმარიტ ხელოვნებაში კი გადამწყვეტ როლს თამაშობს მანძილის და უამის პათოსი. ჭეშმარიტ სიმვოლისტს სწამს მომენტები დროთა და სივრცეთა გადადგმისა, მას სწამს, რომ ერთ უსახელო ამბორში არის მთელი სიბრძნე ქვეყნისა და ერთ საღამოში მიცვალებულ პრინცესების და ვარსკვლავების ოხვრა.

IV.

როგორც ფლობერი, მალარმე არის მოწამე სიტყვისა და მესაიდუმლე. მან შექმნა „მისტიკა“ და ფანტასტიკა სტილისა. გამოუთქმელი აზრი სდევნიდა მალარმეს, რომ მთელი მსოფლიოს იდუმალება დამარხულია სიტყვის სამკაულში. მალარმე ყოველთვის იყო სიტყვის მთვარეული, სიტყვის მონა და ბატონი. მალარმეს შეეძლო მოეჯადოებია და აელაგმა სიტყვა, როგორც უაფარაყრილი მხეცი. მის სიტყვაში, რომელიც უფრო ხშირად პლასტიური იყო, სახეები ინაკვეთებოდნენ ნისლეებით და ლაყვარდებით. სიმვოლისტიკაშიც განმარტობულია მალარმე, როგორც სტილისტი და სიტყვის კავალერი. ის ჯაშუშია სიტყვების; როგორც არაბს მას უნდა ყოველი კვლავი სიტყვა მოაქციოს თავის სასროლში, დაამწყვდიოს ის დაფერფლილ რითმების ცისფერ სატუსაღოში. შეიძლება სიტყვები ხანდახან ლალატობდნენ თავის კავალერს, მაგრამ ლიტერატურა აღტაცებით მოიგონებს ამ სულთანს, რომელმაც შეიყვანა პოეზიის არამხანაში მრავალი სიტყვები. სიტყვის და ლაპარაკის მეფე ლექსების გარდა სწერდა მინიატიურებს. ეს პოემები პროზათ ბოდლერის ამდგვარ პოემებზე მალა სდგანან. აქ მოწაფე იმარჯვებს მასწავლებელზე. ცნობილია დამოკიდებულება მალარმეს ბოდლერიდან. აი პარალელები: ალბატროსი— გედი, ჰიმნი სილამაზეს— იროდიადა, ბოდლერის შუშის პეიზაჟი და მალარმეს ფან-

ჯრები. მაგრამ გიუისმანსის სიტყვით მალარმე არის კვინტესენცია ბოდ-
ლერის და ედგარ პოეს. მალარმეს პოეზიაში ბოდლერის კომმარი დაი-
წმინდა და ავიდა იმ სიმაღლეზე, საიდანაც იყურებიან მარმარილოს ვენე-
რები და აპოლონები.

მალარმე, ვით ჯავაირი მთელი თავისი სიცოცხლე სჭედდა ძვირფას ქვებს
და იგონებდა მათ. ამის გარდა ის იყო იდეალური ქურუმი და იცავდა
ხელოვნების სიწმინდეს ქუჩის თავდასხმიდან; ხელოვნება, რომელიც დაამ-
ცირეს ნატურალისტებმა, მან გახადა რელიგიურ გაღმერთების საგნად,
ოლიმპათ, რომელზედაც სხედან მხოლოდ რჩეულნი, დაგვირგვინებულნი
დიდების ეკლიან გვირგვინებით.

მალარმეს პოეზია დაუთავებელია, მის ლაბარატორიაში ბევრი ნანგრევე-
ბია, რომელნიც გვირჩვენია ჩვენ ბევრ დამთავრებულ ძეგლებს. მისი
პოეზია, როგორც ვენერა მილოსელი მოტეხილ. ხელით გვიხმობს მარა-
დისობისაკენ და ამეფებს ჩვენ სულში უკვდავების წყურვილს.

1917 წ. იანვარი.

მეოცნება ნიამორების

გ ა მ რ ც ე მ ა:

„მეღვნებე ნიამორები“—წიგნი პირველი ფ. 5 მან.

სტეჩან მაღარძე—„ლექსები და პროზა ფ. 15 მან.

„მეღვნებე ნიამორები“—წიგნი მეორე ფ. 5 მან.

წ ი გ ნ ი ს

გამომცემლობა

კირჩხიზი

იხეზდება და გამოვა:

ვალერიან გაფრინდაშვილი—„დასებები“—წიგნი ლექსების.

კვლავ ნადირაძე—„ავსნიანი ქალაქი“.

ახალი პლესიის ანტოლოგია.

F 642/2

1919

